



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

Parisiis, 1644

Concilivm Cabilonense In Ecclesia Sancti Marcelli In Svbrbio Cabilonensi
celebratum XV. Kalendas Iunias anno Christi DCCCXXCVII.

urn:nbn:de:hbz:466:1-15967

Quod si semel persuasæ ad infirmi corporis vitia lapsæ, toto tempore vitæ suæ eiusmodi feminæ egerint pœnitentiam, & abstineant se a coitu, placuit, eas in finem communionem accipere debere. Ex Concilio Calchedonensi capite decimosexto, virginem, quæ se Domino Deo consecrauit, non licere nuptialia iura contrahere. Quod si hoc inuenta fuerit perpetrans, excommunicetur. Confitenti autem decreuimus vt habeat auctoritatem eiusdem loci episcopus misericordiam humanitatemque largiri.

ANNO CHRISTI 887.

CONCILIVM CABILONENSE

IN ECCLESIA SANCTI MARCELLI IN SVBVRBIO

Cabilonensi celebratum xv. Kalendas Iunias
anno Christi DCCCXXCVII.

HVIVS *Synodi mentio est in chronico monasterii Besuensis, cuius auctor ex Synodi actis profert quæ sequuntur: Anno, inquit, incarnationis dominicæ DCCCXXCVII. anno quoque domni & serenissimi Caroli imperatoris Augusti in Gallia imperantis II. indictione v. xv. Kalendas Iunii, facer episcoporum Conuentus, ob pacem & tranquillitatem sanctæ Dei ecclesiæ statuendam, & ecclesiastica negotia decernenda, apud ecclesiam sancti Marcelli martyris in suburbio Cabilonensi in Christi nomine coadunatus est. Vbi fuerunt domni & sanctissimi archiepiscopi Aurelianus, Bernoinus, nec non & reuerentissimi episcopi, Adalgarius, Geylo, Stephanus, Giraldus, Adalbalduus, Isaac, & Leboinus. Geylo denique Lingonensis ecclesiæ reuerendus antistes, vna cum superscriptis patribus in hoc sacro residens Conuentu, eorum auribus intimauit, qualiter Isaac antecessor suus res ecclesiæ in Luco in honore S. Martini in sua Synodo a partibus S. Martini de Luco superiore, capellæ videlicet sancti Marcellini, contra Ada-*

ANNO CHRISTI 887. lardum eiusdem capellæ presbyterum iuste & legaliter euindicauit de rebus & decimis. Tunc omnes episcopi hoc audientes in commune, relationem Geylonis venerabilis episcopi, & notitiam euindicationis domni Isaac simul consenserunt, & consentiendo roborauerunt, vt si quis temeraria sacrilegaque præsumptione conuictus, atque cæca cupiditate cæcatus hoc quod Dei & domni Isaac & nostra confirmamus auctoritate in aliquo infringere præsumperit, &c. a liminibus sanctæ Dei ecclesiæ, & cœtu omnium fidelium Christianorum tamdiu habeatur extorris, donec respiscens condigna pœnitentia subleuetur. *Extat rursus in tabulario Cari loci priuilegium confirmationis Ingelario eius cænobii abbati ab eadem Synodo concessum. Itemque alterum ecclesiæ sancti Stephani Diuionensis, cuius subscriptiones sunt huiusmodi.*

Aurelianus sanctæ Dei Lugdunensis ecclesiæ episcopus in Christi nomine roborauit.

Bernoinus humilis sanctæ Dei Viennensis ecclesiæ episcopus.

Geylo sanctæ Lingonensis ecclesiæ humilis episcopus.

Adalgarius Æduorum episcopus.

Stephanus dignatione diuina Cabilonensis episcopus.

Adalbaldu Bellicensis episcopus.

Geraldus sanctæ Matisconensis ecclesiæ episcopus.

Isaac humilis Valentinenensis ecclesiæ episcopus.

Ego Brancio presbyter & cancellarius sancti Mammetis scripsi, datauique.

NOTA IACOBI SIRMONDI
SOCIETATIS IESV.

¹ *Concilium Cabilonense.*] In codice Besuensi annus adscriptus est DCCCXXCVI. indiçtione V. quæ duo minime cohærent. Sed castiganda potius indiçtio, vt indiçtio IV. scribatur, & restituendus Christi annus vt in autographo. Ita fiet vt Concilium hoc superiori anteponi debeat.